



UKA 15/134.1
21. Oktober 2015
Ane Hansen

Sumiiffinni aalajangiiffissatut siunnersuutip tunngavilersuutaani ilanngussamilu nalunaarsorsimasuni qalorsuorsorluni aalisarnerup inerteqqutaalernissaa pillugu periarfissamik - taassumalu aningaasatigut kingunissai pillugit misissuineramik - Naalakkersuisut Inatsisartunut agguasseqqullugit Inatsisartut aalajangiiffigisasattut siunnersuut.

(Inatsisartuni ilaasortaq Nikolaj Jeremiassen)

Inatsisartuni ilaasortap Nikolaj Jeremiassen Siumut Inatsisartut ukiakkut ataatsimiinnerani aalisarnermut tunngasunik arlalinnik soqutiginaateqartunik misissueqqusilluni siunnersuuteqarpoq, eqqumiiginalaarualarpoq aalisarnermi atukkat Naalakkersuisoqatigiinnik soqutigineqarluartartut siunnersuutit tamangajammik itigartinneqarmata.

Sinerissap qanittuani raajarniarfiit ukiuni kingullerni avannamut illuarnikuupput silaannap immallu kissassusaata allanngoriartornera ilutigalugu. Maannalu raajarniarneq annertunerusumik ingerlanneqartarpoq Qeqertarsuup Tunuani. Nunatta Pinngortitalerisuiniit oqaatiginiarneqartarpoq ukiumut raajartassatut innersuussutigineqartut iluanni aalisaraanni peqassuseq innarlernagu aalisartoqarsinnaasoq.

Ukiuni kingullerni Qeqertarsuup Tuanuani raajarniat uparuartarpaat kilisaatit marlunnik qalorsuaqarlutik aalisartut immap naqqanik assut innarliisartut, tamannalu aamma assortugassaanngilaq, taamaammatt Inuit Ataqatigiinnit misissussallugu pilerigineruarput kilisaatit marlorsorlutik Qeqertarsuup Tunuani aalisartut sulii sinneqalaarmata taakkua aalisarnerisa qanoq innarliitigisarnerat misissorneqassasoq.

Siunnersuummut Naalakkersuisut akissutiminni oqaatigaat tusarniaasimallutik. Pingortitaleriffik, KANUANA, GE-lu akissutaannik ilaatigut issuaaffigineqarput. Tusarniaanermi attuumassuteqarnerpaat kattuffiat KNAPK qanormita tusarniutinut qisuariaateqarpa?

Ukiorpasuarni Qeqertarsuup Tunuani raajarniarfinilu kujasinnerusumiittuni sinerissap qanittuani raajarniarfiit pillugit assortuussutaasartut qulaajarneqarnissaat soqutiginarpoq, oqaatigineqartartut innarliinermik annertuumik kilisaatit pilersitsisarnermut kiisalu aningasarsiornermut qanoq kinguneqarsinnaanissaat takussutississallugu aamma soqutiginarpat.

Taamatut oqaaseqarluta siunnersuutip aappassaaneerneqartinnani Inatsisartut Aalisarnermut Piniarnermut Nunalerinermullu ataatsimiisitaliani nalilersorluarneqassasoq inassutigaarput.